

fashion

LIFESTYLE MAGAZIN

BR. 19 * 2009 *
BESPLATAN PRIMJERAK

ISSN 1512-9446



9 771512 944007

www.fashionweek.ba

Moda . Muzika . Film . Zdravlje . Putovanja . Kozmetika . Art

DR. BRANKO GLUŠAC - KRALJ NOSEVA

I ZA ESTETIKU I ZA FUNKCIJU, DR. BRANKO GLUŠAC IZ MAKARSKE VAŽI ZA HIRURGA KOJI NIKOG NE OSTAVLJA RAVNODUŠNIM. MEĐU PRVIMA JE NA INTERNET POSTAVIO PRIKAZ FUNKCIONALNE I ESTETSKE OPERACIJE NOSA, A ZA SVOJU TEHNIKU UNUTRAŠNJE OPERACIJE NOSA TVRDI DA JE JEDINSTVENA I S MINIMALNIM POSTOPERATIVNIM TRAUMAMA. NEKI GA NAZIVAJU HRVATSKI „KRALJ NOSEVA“.



ni najžešća kriza ne može umanjiti uljepšavajuće pohode plastičnim hirurzima koji u posljednje vrijeme bilježe znatno povećan trend estetskih zahvata kod muškaraca i žena mlađe i srednje dobi. Muškarcima je najvažnije korigiranje klemptavih ušiju, potom korekcija nosa, liposukcija, smanjivanje grudi, povećanje usana i face lifting. Za razliku od muškaraca, ženama je na prvom mjestu operacija nosa, a potom slijede liposukcija trbuha i bedara, klemptave uši, povećanje dojke, potom usana, korigiranje podočnjaka, te na kraju face lifting.

Koja je razlika između estetskih hirurga u Hrvatskoj i ostalih država iz regiona?

Mislím, da dobro poznajem prilike u cijeloj regiji, a posebno u Srbiji jer sam završio Medicinski fakultet u Beogradu, specijalizaciju u Zagrebu i Americi, a redovan sam posjetilac godišnjih skupova koje organizuje Galathea. Takođe poznajem i većinu privatnih hirurga iz Beograda.

Srbija u odnosu na Hrvatsku ima mnogo više ordinacija za estetsku hirurgiju. Ono u čemu Hrvatska prednjači i ima bogatiju tradiciju jesu estetske operacije nosa. Poznato je da je profesor Ante Šercer prvi u svijetu uradio otvorenu operaciju nosa 1932. godine, a njega su nasljedili prof. Ivo Padovan, dr Slobodan Jugo (Kentaki). Za sebe mogu reći da spadam u četvrtu generaciju, a svima nam je zajedničko što

smo i specijalisti za ORL (uho, grlo i nos), tako da s estetskom hirurgijom možemo istovremeno riješiti i sve funkcionalne probleme.

Estetska hirurgija u Hrvatskoj je nastala iz ORL hirurgije, dok su estetski hirurzi u Srbiji većinom „plastičari“, tako da je mali broj njih tokom školovanja dobio edukaciju o operacijama nosa. To je sigurno jedna od najtežih, najkontroverznijih, ali i najčešćih operacija estetske hirurgije koja ne daje uvijek očekivane rezultate. Zato mi se čini da su svi operisani nosevi u Beogradu BLIZANCI, kao da ih radi jedna ista škola ili isti hirurg.

Specijalizaciju za hirurgiju nosa sticali ste, osim Zagreba, i u SAD, tako da dobro poznajete svjetske trendove kada je u pitanju ovaj tip operacije. Da li se može reći da danas u svijetu postoji neki trend koji prevladava?

Sve što sam naučio i radio o nosu pripada Americi, bez obzira na jake reference koje imam u Evropi. Uprkos tome i dalje je

potrebna stalna edukacija. Što se trendova tiče, to svakako nije ravan nos, žene po pravilu traže mali, prćast nos koji otvara lice, čini ga mlađim i svježijim, a osobi daje sigurniji izgled. Čak i dvadesetak odsto muškaraca koji imaju baby face traži ovakav izgled nosa.

Šta je to što karakteriše vaš pristup korekcijama nosa i čime se, po vlastitom mišljenju, razlikujete od ostalih?

Kao prvo, to je moja filozofija estetske hirurgije koja se može opisati kao težnja za postizanjem prirodne promjene koja će biti u skladu s pacijentovim crtama lica. Svaki pacijent koji dolazi u moju ordinaciju je pregledan pažljivo i profesionalno, s velikim naglaskom na detaljima. Da bi postigao lijep i prirodan izgled pacijenta, ljekar mora biti dobar hirurg, ali i umjetnik. Kao drugo, za korekcije nosa neophodno je razumijevanje ljepote, sklada i ravnoteže i zato posebnu pažnju posvećujem vlastitoj svakodnevnoj edukaciji, kroz praćenje trendova i novosti u svjetskoj plastičnoj



hirurgiji. Na taj način sam spreman ponuditi svojim pacijentima najbolje.

U Hrvatskoj vas smatraju „Kraljem nose-va“! Zar ste toliko bolji od drugih?

To bi morali pitati one koji tu konstataciju iznose. Što se tiče mojih prednosti, one se ukratko mogu svesti na sljedeće:

- Moja konsultacija sa pacijentom traje 60–90 minuta, prilikom koje uradimo i endoskopski pregled unutrašnjosti nosa. Ja puno poklanjam pažnje funkciji nosa, tako da moji pacijenti poslije estetskog zahvata još bolje dišu na nos. Uvijek kažem, da je prvi postulat estetskih operacija FUNKCIJA, pa tek onda ESTETIKA.

- Pacijenti koji se operišu u mojoj klinici ne bude se s tamponom u nosu koji im ometa disanje. Ukoliko baš mora, tampon ostaje u nosu maksimalno jedan dan, ali i u tom slučaju radi se o specijalnom tamponu koji ima cjevčicu kroz koju pacijent može da diše i na nos odmah poslije operacije. Plastični kalup, koji se mora staviti na nos poslije operacije, ostaje na licu samo četiri dana, znatno kraće nego u drugim klinikama.

- Sve operacije radimo ZATVORENOM tehnikom, tako da nema podliva, otoka, niti bolova. Pacijente šaljemo kući 30 minuta poslije operacije.

- Grbu izvadimo u potpunosti i pokažemo je pacijentu.

- Nos operišemo SAMO JEDNOM, nema reoperacija, jer ako prvi put to niste riješili, teško ćete to riješiti drugi ili treći put.

- Umjesto o operaciji nosa, što je prilično ružan izraz, govorimo o tome da se nos MODELIRA, a za to morate imati osjećaj za hrskavice i meka tkiva. Taj filing morate

5 savjeta onima koji razmišljaju o operaciji nosa?

1. Kao prvo, da se pripaze onih koji im kažu da je to jednostavna operacija ("To je samo mala grba i to ćemo lako riješiti!"). Grba se mora u potpunosti odstraniti i pokazati pacijentu, ona se ne smije turpijati jer ćete poslije toga umjesto jedne velike grbe imati puno malih.

2. Operaciju treba obavezno napraviti IZNUTRA unutrašnjim rezom, tj. ZATVORENOM tehnikom, jer kod otvorene tehnike otok nosa može potrajati od jedne do tri godine.

3. Pitajte hirurga gdje se usavršavao, jer dugogodišnje iskustvo u jednoj bolnici ne znači ništa ako se radi o starim tehnikama.

4. Tražite od hirurga da vam prilikom estetske operacije riješi i eventualni problem sa disanjem, jer 90 odsto estetskih operacija traži rješavanje devijacije nosne pregrade.

5. Posjetite najmanje trojicu hirurga prije nego što pristanete na operaciju nosa, pitajte hirurga sve što vas interesuje, nema glupih pitanja, ne oslanjajte se na kompjutersku animaciju jer vas kompjuter ne operiše!

imati u prstima, morate sve vrijeme misliti o tome da je nos funkcionalan i imunološki organ, a ne nekakva piramida s krivim zidovima i neravnim vrhom.

Pitajte stručnjaka

Zato obavezno pitajte hirurga sve što vas interesuje, nema glupih pitanja, ne oslanjajte se na kompjutersku animaciju, jer vas kompjuter ne operiše!

Ukoliko želite da od dr Branka Glušca dobijete odgovor na neka pitanja ili da sa njim stupite u kontakt, možete mu pisati na adresu glusac.surgery@hi.t-com.hr ili ga kontaktirati na jedan od telefona: +385 21 616 303, mob. +385 98 397 683. Više informacija možete pročitati i sajtu www.estetska-kirurgija.net.